



Titulli i projektit

Menaxhimi efektiv i mbetjeve në Zonën Funksionale Tropojë

Tipi i projektit

Zhvillim ekonomik/ Shërbime Publike/ Projekte që mobilizohen shpejt

Vendndodhja e projektit

Bashkia Bajram Curri, komunat Bujan, Fierzë, Llugaj, Margegaj, Tropojë

Buxheti i paravlerësuar

23,000,000 leke

Përshkrimi dhe analiza e problemit/eve

Menaxhimi i mbetjeve urbane në zonën funksionale Tropojë është identifikuar si një problem kryesor në studimin e realizuar për zhvillimin ekonomik dhe gjendjen e shërbimeve publike. Shërbimi i menaxhimit të mbetjeve urbane realizohet në kuptimin e mirëfilltë vetëm në Bashkinë Bajram Curri. Komunat Bujan, Margegaj, Tropojë, Llugaj dhe Fierzë e ofrojnë atë ose në mënyrë sporadike, ose shumë të kufizuara. Shërbimi i menaxhimit të mbetjeve ofrohet në masën 100% për popullsinë dhe familjet e Bashkisë Bajram Curri, ndërsa në 4 komunat e tjera të përmendura më sipër, kjo përqindje varion nga 38%-64%. Ka një bashkëpunim mbi baza informale midis Bashkisë Bajram Curri dhe pesë komunave përreth saj: Bujan, Margegaj, Tropojë, Llugaj dhe Fierzë, në menaxhimin e mbetjeve që konsiston në përdorimin nga këto komuna të vend-depozitimit të mbetjeve të Bashkisë Bajram Curri. Vend-depozitimi i autorizuar për mbetjet urbane dhe inerte është në Kojë. Ai është një gropë natyrale me sipërfaqe 1.5 ha dhe ndodhet 3.5 km larg qytetit të Bajram Currit. Shërbimi i pastrimit është ditor në bashkinë Bajram Curri dhe javor në komuna. Në bashkinë Bajram Curri, grumbullimi i mbetjeve bëhet me krahë dhe transporti i tyre me makina të thjeshta, sepse kamionët teknologjikë janë jashtë funksionit për arsye teknike. Komunat Bujan, Margegaj, Tropojë, Llugaj dhe Fierzë kanë infrastrukturë të dobët: numër të vogël kontenierësh dhe mungesë kamionësh teknologjike. Në komuna, ka kontenierë vetëm në qendrat e komunës. Fshatrat e tjerë në përgjithësi nuk kanë kontenierë dhe i hedhin mbeturinat nëpër përrenj, duke ndotur mjedisin dhe ujërat. Të ardhurat e gjeneruara nga mbledhja e tarifës së pastrimit janë të ulëta për të mbuluar koston e shërbimit. Në Bashkinë Bajram Curri, të ardhurat përbëjnë rreth 38% të koston. Arsyet lidhen me tarifën e ulët të pastrimit (700 lekë/familje në vit, 1500 lekë/biznes, 2500 lekë/biznes të madh dhe 3000 lekë /institution në vitin 2013) dhe shkallën e ulët të realizimit të pagesave (19% për familjarët, 53% për bizneset e vogla dhe 68% për bizneset e mëdha). Komunat pothuaj nuk kanë asnjë të ardhur nga menaxhimi i mbetjeve. Megjithatë përpjekjet e kohëve të fundit, rritja e kërkesave për menaxhimin e mbetjeve nga zhvillimi i turizmit malor, sidomos në komunën Margegaj, nuk ka gjetur përgjigjen e duhur. Nuk ka një plan të menaxhimit të mbetjeve për njësitë individuale të qeverisjes vendore dhe as për zonën funksionale. Nuk ka politika dhe rregullore të brendshme për menaxhimin e mbetjeve.

Qëllimi/et specifik të projektit

1. Menaxhimi efektiv dhe efikas i mbetjeve urbane nëpërmjet një skeme të re të pastrimit.
2. Ndërgjegjësimi i komunitetit të zonës për mbajtjen e një mjedisi të pastër.
3. Rritja e kapaciteteve të stafeve të lokale për menaxhimin e mbetjeve dhe zbatimin e projekteve.



Rezultatet e pritshme dhe treguesit

1. Zona funksionale Tropojë ka një plan për menaxhimin e integruar të mbetjeve për të gjithë zonën funksionale;
 2. Një skemë efektive dhe efikase për menaxhimin e mbetjeve është krijuar dhe funksionon;
 3. Infrastruktura e grumbullimit të mbetjeve urbane është përmirësuar.
 4. Komuniteti është ndërgjegjësuar për hedhjen e mbeturinave në kosha dhe pikat e caktuara dhe për pagesën e tarifës së pastrimit.
- Numri i popullsisë përfituese është 25,000 banorë të 6 NJQV-ve (më shumë se 90% e popullsisë dhe 75% e territorit të Zonës Funksionale Tropojë), përfshirë Bashkinë Bajram Curri dhe komunat Fierzë, Llugaj, Bujan, Margegaj dhe Tropojë.

Aktivitetet e projektit

1. Hartimi i planit të menaxhimit të mbetjeve për të gjithë zonën funksionale Tropojë;
 2. Ngritja e kapaciteteve të bashkisë për menaxhimin efektiv të mbetjeve;
 3. Ngritja e strukturës institucionale dhe përgatitja e rregulloreve për menaxhimin efektiv të mbetjeve;
 4. Përgatitja e specifikimeve teknike, përgatitja e kriterëve të veçanta dhe specifike;
 5. Investimi për përmirësimin e infrastrukturës së grumbullimit të mbetjeve (blerja e 2 makinave teknologjike për transportimin e mbetjeve, blerja e 300 konteinerëve për hedhjen e mbetjeve urbane, rrethimi dhe sistemimi i gropës së mbetjeve në Kojë, blerja e kompaktorit për gropën e mbetjeve);
 6. Aktivitete për ndërgjegjësimin e komunitetit.
- Projekti do të realizohet brenda 12 muajve.

Maturimi i projektit

Projekti është në fazën e projekt-idesë. Në kuadrin e ofrimit të këtij shërbimi, disa vjet më parë Bashkia Bajram Curri ka blerë konteinerë dhe dy makina teknologjike. Konteinerët janë të pamjaftueshëm dhe makinat teknologjike nuk janë funksionale (teknikisht).

Burimet e financimit dhe partnerët në zbatim

Burimet e mundshme të financimit të këtij projekti janë Ministria e Transportit dhe Infrastrukturës, Bashkia Bajram Curri dhe donatorët potencialë të huaj. Projekti do të realizohet nga Bashkia Bajram Curri në bashkëpunim me kompani të specializuara (plani i menaxhimit të mbetjeve dhe rregulloret e menaxhimit të shërbimit, rrethimi dhe sistemimi i gropës, vendosja e kazanëve) dhe organizata të shoqërisë civile (për ndërgjegjësimin e komunitetit).

Kostot e projektit

Kostoja totale e projektit është rreth 23,000,000 lekë.

1. Hartimi i planit të menaxhimit të mbetjeve për të gjithë zonën funksionale Tropojë: (3,000,000 lekë)
2. Ngritja e kapaciteteve të bashkisë për menaxhimin efektiv të mbetjeve (përfshirë në 1).
3. Ngritja e strukturës institucionale dhe përgatitja e rregulloreve për menaxhimin efektiv të mbetjeve (përfshirë në 1).
4. Përgatitja e specifikimeve teknike, përgatitja e kriterëve të veçanta dhe specifike (përfshirë në 1).
5. Investimi për përmirësimin e infrastrukturës së grumbullimit të mbetjeve (blerja e 2 makinave teknologjike për transportimin e mbetjeve, blerja e 300 konteinerëve për hedhjen e mbetjeve urbane, rrethimi dhe sistemimi i gropës së mbetjeve në Kojë, blerja e kompaktorit për gropën e mbetjeve): (20,000,000 lekë)
6. Aktivitete për ndërgjegjësimin e komunitetit.

Shënim: Ky projekt, në varësi të mundësive për financim, mund të realizohet si i tërë, ose pjesë-pjesë, d. m. th. duke u copëtuar në dy-tre projekte më të vogla:

- Hartimi i planit të menaxhimit të mbetjeve për zonën funksionale Tropojë;
- Sistemimi i gropës së depozitimit të mbetjeve urbane në Kojë;
- Blerja e kamionëve teknologjikë dhe konteinerëve.